

八佛名号经 1 卷

No. 431 [Nos. 427-430]

八佛名号经

隋天竺三藏阁那崛多译

如是我闻：

一时，佛在舍卫国祇树给孤独园，与大比丘僧千二百五十人俱；复有大乘众菩萨摩訶萨十千人俱。

尔时世尊，与无量无数百千万众，前后围遶，而为说法。

尔时，尊者舍利弗，于大众中即从座起，偏袒右肩，右膝着地，向佛合掌，而白佛言：「世尊！我有疑心，今欲发问，惟愿如来怜愍众生，为我解说。」

尔时，世尊告舍利弗言：「善男子！随汝所问，若有疑心，吾当为汝分别解说。」

时，舍利弗蒙佛印可，许决疑网，欢喜踊跃，即白佛言：「世尊！颇有现在十方世界诸佛世尊，往昔愿力常为众生现在说法，彼诸如来所有名号，若善男子及善女人，欲得诵持此诸佛名，若读、若闻及以书写，缘是功德，便于阿耨多罗三藐三菩提得不退转，无所缺减，至于无上正真之道，速得成于阿耨多罗三藐三菩提者不？」

尔时，世尊告舍利弗言：「善哉，善哉！善男子！汝所咨问真妙辩才，为于来世无量众生广作利益，慈悲哀愍一切天人，能问如来如斯奥义。是故，汝今谛听谛受，善思念之，吾当为汝分别解说。」

舍利弗言：「唯然世尊！愿乐欲闻。」

尔时，世尊告舍利弗言：「善男子！东方去此过一恒河沙世界，有一佛刹名难降伏，于彼国土有佛世尊，号善说称功德如来。至真。等正觉，于今现在为诸大众说微妙法。

「复次，舍利弗！从此东方过二恒河沙世界，有一佛刹名无障碍，于彼国土有佛世尊，号因陀罗相幢星王如来。至真。等正觉，于今现在亦为大众说微妙法。

「复次，舍利弗！从此东方过三恒河沙世界，有一佛刹名曰爱乐，于彼国土有佛世尊，号普光明功德庄严如来。至真。等正觉，于今现在亦为大众说微妙法。

「复次，舍利弗！从此东方过四恒河沙世界，有一佛刹名曰普入，于彼国土有佛世尊，号善鬪战难降伏超越如来。至真。等正觉，于今现在亦为大众说微妙法。

「复次，舍利弗！从此东方过五恒河沙世界，有一佛刹名曰净聚，于彼国土有佛世尊，号普功德明庄严如来。至真。等正觉，于今现在亦为大众说微妙法。

「复次，舍利弗！从此东方过六恒河沙世界，有一佛刹名无毒主，于彼国土有佛世尊，号无碍药树功德称如来。至真。等正觉，于今现在亦为大众说微妙法。

「复次，舍利弗！从此东方过七恒河沙世界，有一佛刹名侧塞香满，于彼国土有佛世尊，号步宝莲华如来。至真。等正觉，于今现在亦为大众说微妙法。

「复次，舍利弗！从此东方过八恒河沙世界，有一佛刹名妙音明，于彼国土有佛世尊，号宝莲花善住娑罗树王如来。至真。等正觉，于今现在亦为大众说微妙法。

「舍利弗！是等诸佛如来。至真。等正觉，如是佛刹清净无秽，无有五浊，复无五欲，其中众生无有谄曲虚伪之心，亦无欲行及以女人。

「复次，舍利弗！若善男子及善女人，得闻彼等诸佛世尊如是名号，既得闻已能自受持读诵修行，复为他人宣扬显说，彼善男子及善女人，若堕三恶道者无有是处；惟除五逆、诽谤正法及谤圣人。

「复次，舍利弗！若善男子、善女人，得闻彼等诸佛世尊如是名号，既得闻已能自受持读诵修行，复为他人宣扬显说，如是之人乃至菩提，于其中间生生之处常具五通，兼复速得诸陀罗尼，六根完具无诸残缺，常得欢喜身毛右旋。

「复次，舍利弗！若善男子及善女人，得闻彼等诸佛世尊如是名号，既得闻已能自受持读诵修行，复为他人宣扬显说，彼等众生所在之处，县官、恶贼不能得便，火不能焚、水不能漂，恶龙恶蛇不能毒害；若行若住，师子、虎狼、熊黑、豺豹，夜叉、罗刹、诸恶鬼神、鸠盘荼等及人非人，能作惊惶无有是处，惟除宿殃。

「复次，舍利弗！若有女人，能厌其身，系念专心，受持读诵如是世尊诸佛名号，复为他人分别显说，寿终之后，更复受于女人身者，无有是处。

「复次，舍利弗！若有善男子、善女人，于静夜中能诵如是诸佛名号，是等众生，于现世间所作功业皆速成就，日日增长，无诸障碍。」

尔时，世尊欲重明此义，而说偈言：

「若有诸众生，	能持是佛名，
悉舍诸恶道，	速生于善处。
常在诸佛前，	恒闻说妙法，
既覩无上尊，	随心而供养。
诵持佛名故，	超亿千万劫，
一切诸烦恼，	疾成得菩提。
若人满七日，	能诵是佛名，
即得清净眼，	便能见诸佛。
若有闻佛名，	即能诵持者，
随其所生处，	常为他所敬。
相好形端正，	常生福乐家，
喜心行大舍，	聪明不放逸。
若有诸女人，	闻此佛名故，

自诵为他说，
于此寿终已，
得受丈夫身，
诵持佛名故，
口气常芬馥，
彼等诸大仙，
若能诵持者，
诵持佛名故，
并余诸眷属，
诵持佛名故，
黑闇众眷属，
恶毒不能害，
县官恶贼盗，
诵持佛名故，
常生宝莲华，
常在虚空中，
观诸异佛土，
证无上道已，
诸天及世人，
其福不可量，
必舍女人报，
生生常利根。
多百亿劫中，
恒如栴檀香。
如是诸名字，
细心不放逸。
父母及兄弟，
终无异苦恼。
一切魔波旬，
终不能障碍。
刀杖及火等，
一切不能伤。
千亿诸劫中，
威相神通具；
遍不思議刹，
刹中清净者。
普为诸杂类，
能作归依处。」

佛说是经已，长老舍利弗及天、龙、夜叉、干闥婆、阿修罗、迦楼罗、紧那罗、摩睺罗伽、人非人等，一切大众，闻佛所说，欢喜奉行。

八佛名号经

【经文信息】大正藏第 14 册 No. 0431 八佛名号经

【版本记录】CBETA 电子佛典 Rev. 1.11 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，维习安大德提供之高丽藏 CD 经文，阎学新大德输入 / Gamblers 大德校对，北美某大德提供，Jasmine 提供新式标点

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
